

史

記

張儀列傳第十

史記七十

張儀者魏人也

呂氏春秋曰儀魏氏餘子○索隱曰晉

魏人必也而呂覽以為魏氏餘子則蓋魏之文庶也又

書略說以餘子謂之季子也○正義曰傳云晉有公族

餘子公行杜預云皆官卿之嫡以爲公族大夫餘子十

子之母弟也公行庶子掌公戎行也藝文志云張子十

篇在縱橫流始嘗與蘇秦俱事鬼谷先生學術蘇秦自以不

及張儀張儀已學而游說諸侯索隱曰說音稅葢從楚相飲已

而楚相云璧門下意張儀曰儀貧無行必此盜相君之

璧其執張儀掠笞數百不服釋之釋音釋○索其妻曰

嘻索隱曰音嘻鄭玄子毋讀書游說安得此辱乎張儀

曰嘻悲恨之聲謂其妻曰視吾舌尚在否其妻笑曰舌在也儀曰足矣

蘇秦已說趙王而得相約從親索隱曰從音足容反然恐秦之攻

諸侯敗約後負念莫可使用於秦者乃使人微感張儀

曰子始與蘇秦善今秦已當路子何不往游以求通子

之願張儀於是之趙上謁求見蘇秦蘇秦乃誡門下人

不爲通又使不得去者數日已而見之坐之堂下賜僕

妾之食因而數讓之索隱曰按謂數設詞而讓之讓亦責也數音朔曰以子之

材能乃自令困辱至此吾寧不能言而富貴子子不足

收也謝去之張儀之來也自以爲故人求益反見辱怒

念諸侯莫可事獨秦能苦趙乃遂入秦蘇秦已而告其

舍人曰張儀天下賢士吾殆弗如也今吾幸先用而能

用秦柄者獨張儀可耳然貧無因以進吾恐其樂小利而不遂故召辱之以激其意子爲我陰奉之乃言趙王發金幣車馬使人微隨張儀與同宿舍稍稍近就之奉以車馬金錢所欲用爲取給而弗告張儀遂得以見秦惠王惠王以爲客卿與謀伐諸侯蘇秦之舍人乃辭去張儀曰賴子得顯方且報德何故去也舍人曰臣非知君知君乃蘇君蘇君憂秦伐趙敗從約以爲非君莫能得秦柄故威怒君使臣陰奉給君資盡蘇君之計謀今君已用請歸報張儀曰嗟乎此在吾術中而不悟吾不及蘇君明矣吾又新用安能謀趙乎爲吾謝蘇君蘇君

之時儀何敢言且蘇君在儀寧渠能乎渠音詭。索隱曰古字少假借

耳張儀既相秦為文檄徐賈曰一作檄尺之檄。索隱曰王助按春秋後語云文二尺

數許慎云檄二尺書也告楚相曰始吾從若欽索隱曰若汝也我

不盜而璧若答我若善守汝國我顧且盜而滅苴蜀相

攻擊徐廣曰譙周曰益州天苴讀為包音之包音與巴

夷也或巴人巴郡本因苴苴按巴苴卓名今論已遂誤作

巴也或巴人巴郡本因苴苴按巴苴卓名今論已遂誤作

為巴華之芭按芭華即織木葺所以為葦籬也今江南

亦謂葦籬曰芭籬。正義曰華陽國志云昔蜀王封其

好巴與蜀為難故蜀王怒伐苴苴奔巴求救於秦秦遣

張儀從子午道伐蜀王自蒞萌櫟之與續走巴武陽為

秦軍所害秦遂滅蜀因滅巴蜀二郡姑地志云苴侯都

葭萌今利州在昌縣五十里葭萌故城是蜀後都益州

巴子城在合州石鏡縣南五里故墊江縣各來否急於也巴子都江州在都之北又峽州界也

秦秦惠王欲發兵以伐蜀以為道險狹難至而韓又來

侵秦秦惠王欲先伐韓後伐蜀恐不利欲先伐蜀恐韓

襲秦之敝猶豫未能決司馬錯與張儀爭論於惠王之

前索隱曰錯音七各反又音七故反司馬錯欲伐蜀張儀曰不如伐韓

王曰請聞其說儀曰親魏善楚下兵三川塞什谷之口

徐廣曰一作尋成皋鞏縣有尋口索隱曰什音相

受故其各或也戰國策作鞏縣儀氏之口亦其地

也什谷地名正義曰什谷水經云郿城水出北山郿溪又

州鞏縣西南四十里注水經云郿城水出北山郿溪又

有故郿城在鞏縣西南五十八里按洛州當也留之道

維氏縣東南四十里與郿溪相近之地正義曰南陽懷州也

正義曰屯留路州縣也魏絕南陽正義曰南陽懷州也

道即太行羊腸道也魏絕南陽正義曰南陽懷州也

絕斷壤土勝韓上黨之路也

楚臨南鄭

正義曰是塞什谷之口也今

韓南陽之兵也

秦攻新城宜陽

索隱曰新城當在河南伊闕之

以臨二周之郊誅周王之罪侵楚魏之地周自知不能

救九鼎寶器必出據九鼎案圖籍挾天子以令於天下

天下莫敢不聽此王業也今夫蜀西僻之國而我翟之

倫也敝兵勞衆不足以成名得其地不足以爲利臣聞

爭名者於朝爭利者於市今三川周室天下之朝市也

而王不爭焉顧爭於戎翟去王業遠矣

索隱曰王音工故反

司馬

錯曰不然臣聞之欲富國者務廣其地欲彊兵者務富

其民欲王者務博其德二資者備而王隨之六今王地

小民貧故臣願先從事於易夫蜀西僻之國也而我程

之長也有桀紂之亂以秦攻之譬如使豺狼逐羣羊得

其地足以廢國取其財足以富民索隱曰戰國策取亦得繕兵不

傷衆而彼已服焉正義曰饑音騰同饑吳食也拔一國而天下不以

爲暴利盡西海而天下不以爲貪索隱曰西海謂蜀川

猶謂秦中爲陸海然也其實西亦有海所以云西海也

正義曰海之言晦也西夷海昧無知故言海也言到盡

西方是是我一舉而名實附也索隱曰名謂博其德也而

又有禁暴止亂之名今攻韓劫天子惡名也而未必利

也又有不義之名而攻天下所不欲危矣臣請論其故

索隱曰論者告也陳也故周天下之宗室也齊韓之與

謂陳不宜伐之端由也

國也周自知失九鼎韓自知亡山川正義曰韓自知亡二周故與周并力

也合謀將二國并力合謀以因乎齊趙而求解乎楚魏以

鼎與楚以地與魏王弗能止也此臣之所謂危也不如

伐蜀完惠王曰善寡人請聽子卒起兵伐蜀十月取之

索隱曰六國年表在惠王二十二年十月也遂定蜀正義曰表云秦東王貶後元年十月擊滅之其

蜀王更號為侯而使陳莊相蜀蜀既屬秦秦以益疆富

厚輕諸侯秦惠王十年使公子華徐廣曰一作華與張儀圍蒲

陽索隱曰魏之邑名○正義曰在陽州縣滿邑故城是也降之儀因言秦復與

魏而使公子繇質於魏儀因說魏王曰秦王之遇魏甚

厚魏不可以無禮魏因入上郡少梁謝秦車上惠王乃

以張儀為相更名少梁曰夏陽

徐廣曰夏陽仁梁山龍

名亦曰大夏禹所都。正義曰少梁城同州韓城縣南

二十三里夏陽城在縣南二十里梁山在縣東南十九

里龍門山在儀相秦四歲立惠王為王正義曰表云惠

縣北五十里居一歲為秦將取陝築上郡塞其後二年使

顯王之三年也與齊楚之相會齏桑東還而免相相魏以為秦欲令魏

先事秦而諸侯効之魏王不肯聽儀秦王怒以取魏之

曲沃平周復陰厚張儀益甚張儀勲無以歸却留魏四

歲而魏襄王卒哀王立張儀復說哀王哀王不聽於是

張儀陰令秦伐魏魏與秦戰敗明年齊又來敗魏於觀

津觀音秦復欲攻魏先敗韓申差軍斬首八萬諸侯震

恐而張儀復說魏王曰魏地方不至千里卒不過三十萬地四平諸侯四通幅湊無名山大川之限從鄭至梁二百餘里車馳人走不待力而至梁南與楚境西與韓境北與趙境東與齊境卒戍四方守亭鄣者下下十萬梁之地勢固戰場也梁南與楚而不與齊則彊以其東東與齊而不與趙則趙攻其北不合於韓則韓攻其西不親於楚則楚攻其南北所謂四分五裂之道也且夫諸侯之爲從者將以安社稷尊主彊兵顯名也今從者一天下約爲昆弟刑白馬以盟洹音恒水之上以相堅也而親昆弟同父母尚有爭錢財而欲恃詐僞之覆蘇秦

之餘謀其不可成亦明矣

入王事秦秦下兵攻河外隱索

曰河之西即曲沃平周之

也據卷衍酸棗秦丘權反

○正義曰卷在河南衍地

○正義曰卷衍屬鄭

取陽晉

正義曰汝城在曹州

則趙不南趙不南而梁

不北梁不北則從道絕從

絕則大王之國欲毋危不

可得也秦折韓而攻梁

索隱曰戰國韓怯於秦秦韓為

一梁之云可立而須也此

臣之所為大王患也為大王

計莫如事秦事秦則楚韓必不敢動無楚韓之患則大

王高枕而卧

正義曰枕針鴉反

國必無憂矣且夫秦之所欲弱

者莫如楚而能弱楚者莫如梁楚雖有富大之名而實

空虛其卒雖多然而輕交易北不能堅戰悉梁之兵南
面而伐楚勝之必矣割楚而益梁虧楚而適秦嫁禍安
國此善事也大王不聽臣秦下甲士而東伐雖欲事秦
不可得矣且夫從人多奮辭而少可信說一諸侯而成
封侯是故天下之游談士莫不日夜拉腕瞋目切齒以
言從之便以說人主人主賢其辯而牽其說豈得無眩
哉臣聞之積羽沉舟羣輕折軸衆口鑠金積毀銷骨故
願大王審定計議且賜骸骨辟魏哀王於是乃倍從約
而因儀請成於秦張儀歸復相秦三歲而魏復背秦為
從秦攻魏取曲沃明年魏復事秦秦欲伐齊齊楚從親

於是張儀往相楚楚懷王聞張儀來虛上舍而自館之

曰此僻陋之國子何以教之儀諫王曰大王誠能聽

臣閉關絕約於齊臣請獻商於之地索隱曰劉六百里

之商州有古商城其西二百餘里有古於城使秦女得令此云商今大王箕箒之妾秦

楚娶婦嫁女長為兄弟之國此北強齊而西益秦也計

無便此者楚王大說而許之羣臣皆曰陳軫獨弔之楚

王怒曰寡人不興師發兵得六百里地羣臣皆賀子獨

弔何也陳軫對曰不然以臣觀之商於之地不可得而

齊秦合齊秦合則患必至矣楚王曰有說乎陳軫對曰

夫秦之所以重楚者以其有齊也今閉關絕約於齊則

楚孤秦奚資夫孤國而與之商於之地六百里張儀至
秦必負王是北絕齊交西生患於秦也而兩國之兵必
俱至善爲王計者不若陰合而陽絕於齊使人隨張儀
苟與吾地絕齊未晚也不與吾地陰合謀計也楚王曰
願陳子閉口毋復言以待寡人得地乃以相印授張儀
厚賂之於是遂閉關絕約於齊使一將軍隨張儀張儀
至秦詳失綏懷車不朝三月正義曰詳音羊楚王聞之曰儀以
寡人絕齊未甚邪乃使勇士至宋借宋之符北罵齊王
齊王大怒折節而下秦秦齊之交合張儀乃朝謂楚使
者曰臣有奉邑六里願以獻大王左右楚使者曰臣受

令於王以商於之地六百里不聞六里還報楚王楚王大怒發兵而攻秦陳軫曰軫可發口言乎攻之不如割地反以賂秦與之并兵而攻齊是我出地於秦取償於齊也王國尚可存楚王不聽卒發兵而使將軍屈匄擊秦秦齊共攻楚斬首八萬殺屈匄遂取丹陽徐廣曰漢中之地正義曰今梁州也在漢水北楚又復益發兵而襲秦至藍田大戰楚大敗於是楚割兩城以與秦平秦要楚欲得黔中地正義曰要欲以武關外易之正義曰即商於之地楚王曰不願易地願得張儀而獻黔中地秦王欲遣之口弗忍言張儀乃請行惠王曰彼楚王怒子之負以商於之地是

且甘心於子張儀曰秦彊楚弱臣善靳尚尚得事楚夫
人鄭袖袖所言皆從且臣奉王之節使楚楚何敢加誅
假令誅臣而為秦得黔中之地臣之上願遂使楚楚懷
王至則囚張儀將殺之靳尚謂鄭袖曰子亦知子之賤
於王乎鄭袖曰何也靳尚曰秦王甚愛張儀而不欲出
之索隱曰不字當作必時張儀為楚所囚故必欲出之也○正義曰秦王不欲出張儀使楚若欲自行今秦欲以上庸地及今將以上庸之地六縣正義曰今秦美人嬖儀也房州也賂楚以美人聘楚以宮中善歌謳者為媵楚王重地尊秦秦
女必貴而夫人斥矣不若為言而出之於是鄭袖日夜
言懷王曰人臣各為其主用今地未入秦秦使張儀來

至重王王未有禮而殺張儀秦必大怒汝楚妾請子母
俱遷江南毋為秦所魚肉也懷王後悔赦張儀厚禮之
如故張儀既出未去聞蘇秦死索隱曰此時當秦惠王之後元十四年乃
說楚王曰秦地半天下兵敵四國被險帶河四塞以為
固虎賁之士百餘萬車千乘騎萬匹積粟如山法令
既明士卒安難樂死主明以嚴將智以武雖無出甲席
卷常山之險必折天下之脊索隱曰常山於天下在北有若人之背脊也。正義
曰古之帝王多都河東故也天下有後服者先亡且夫為從者無
以異於驅羣羊而攻猛虎虎之與羊不格明矣今王不
與猛虎而與羣羊臣竊以為大王之計過也凡天下疆

國非秦而楚非楚而秦兩國交爭其勢不兩立大王不
與秦秦下甲據宜陽韓之上地不通下河東取成臯韓
必入臣梁則從風而動秦攻楚之西韓梁攻其北社稷
安得毋危且夫從者聚羣弱而攻至彊不料敵而輕戰
國貧而數舉兵危亡之術也臣聞之兵不如者勿與挑
戰正義曰挑音田烏反粟不如者勿與持又夫從人飾辯虛辭高
主之節言其利不言其害卒有秦禍正義曰卒忽勿反無及為
已是以故願大王之孰計之秦西有巴蜀大船積粟起於
汶山正義曰汶音派浮江已下至楚三千餘里舫船載卒索隱曰舫
音方謂並一舫載五十人與三月之食下水而浮一日

兩船也

行三百餘里數雖多然而不費牛馬之力不至十日

而拒扞關

徐廣曰巴郡魚復有扞水扞關○索隱曰扞關在楚之西界復音伏地理志巴郡有魚復

縣○正義曰在巴山縣界

扞關驚則從境以東盡城守矣黔中巫

郡非王之有秦舉甲出武關南面而伐則北地絕

之北境

秦兵之攻楚也危難在三月之內而楚待諸侯

之救在半歲之外此其勢不相及也夫待弱國之救忘

彊秦之禍此臣所以為大王患也大王嘗與吳人戰五

戰而三勝陣卒盡矣偏守新城存民苦矣

索隱曰滿

新城當在吳楚之間也○正義曰新攻得之城未討所在

臣聞功大者易危而民敝

者怨上夫守易危之功而逆彊秦之心臣竊為大王危

之且夫秦之所以不出兵函谷十五年以攻齊趙者陰

謀有合

徐廣曰一休谷

天下之心楚嘗與秦構難戰於漢中

日其地在秦之山南楚之北漢水南之地名曰漢中也

楚人不勝列侯執珪死者

七十餘人遂亡漢中楚王大怒興兵襲秦戰於藍田此

所謂兩虎相搏

徐廣曰或音戰

者也夫秦楚相敵而韓魏以全

制其後計無危於此者矣願大王孰計之秦下甲攻衛

陽晉必大關天下之匈

徐廣曰關一作開。索隱曰以常山為天下脊則此衛及陽晉

當天下晉蓋其地是秦晉齊楚之交道也。言大王悉秦兵據陽晉是大關天下晉則他國不得動也。大王悉

起兵以攻宋不至數月而宋可舉舉宋而東指則泗上

十二諸侯盡王之有也

索隱曰近泗水之側當戰國之時有十二諸侯宋魯邾莒之

也此九天下而以信約從親相堅者蘇秦封武安君相燕

即陰與燕王謀伐破齊而分其地乃詳有罪出走入齊

齊王因受而相之居二年而覺齊王大怒車裂蘇秦於

市夫以一詐偽之蘇秦而欲經營天下混壹諸侯

本一作棍同胡本反其不可成亦明矣今秦與楚接境壤界固形

親之國也大王誠能聽臣臣請使秦太子入質於楚楚

太子入質於秦請以秦女爲大王箕箒之妾効萬室之

都以爲湯沐之邑長爲昆弟之國終身無相攻伐臣以

爲計無便於此者於是楚王已得張儀而重出黔中地

與秦欲許之屈原曰前大王見欺於張儀張儀至臣以

爲大王烹之今縱弗忍殺之又聽其邪說不可懷王曰
許儀而得黔中美利也後而倍之不可故卒許張儀與
秦親張儀去楚因遂之韓說韓王曰韓地險惡山居五
穀所生非菽而麥民之食太抵飯菽藿羹一歲不收民
不饜糟糠地不過九百里無二歲之食料大王之卒悉
之不過三十萬而斯徒負養在其中矣索隱曰斯徒謂難
役之賤負養謂負
擔以給養公
家亦賤人也除守徼亭鄣塞見卒不過二十萬而已矣
秦帶甲百餘萬車千乘騎萬匹虎賁之士跼跼科頭音徒俱跳躍也又云偏卒一足曰跼跼科頭謂不著兜
鍔入敵○索隱曰跼又音劬戰國策依虎擊之士也貫頤奮戟者至不可勝計言執戟奮怒而入陣也○索
隱曰兩手捧頤而直入敵言

其勇也又有執戟者奮怒而趨入陣也秦焉之良戎兵之衆探前蹀後蹄

聞三尋

索隱曰謂馬前足探向前後足快於後蹀音鳥

尋言馬走之疾前後蹄騰者不可勝數

山東之士被甲

蒙冑以會戰秦人指甲徒裼以趨敵

索隱曰徒跣也陽

左挈人頭右挾生虜夫秦卒與山東之卒猶孟賁之與

怯夫以重力相壓猶烏獲之與嬰兒夫戰孟賁烏獲之

士以攻不服之弱國無異垂千鈞之重於烏卵之上必

無幸矣夫羣臣諸侯不料地之寡而聽從人之甘言好

辭比周以相飾也皆奮曰聽吾計可以彊霸天下夫不

顧社稷之長利而聽須臾之說詿誤人主無過此者大

王不事秦秦下甲據宜陽斷韓之上地東取成臯滎陽

則鴻臺之宮桑林之苑

徐廣曰桑一依栗○索隱曰非此皆韓之宮苑亦見戰國策

王之有也夫塞成臯絕上地則王之國分矣先事秦則

安不事秦則危夫造禍而求其福報計淺而怨深逆秦

而順楚雖欲毋亡不可得也故爲大王計莫如爲

爲音于爲

秦秦之所欲莫如弱楚而能弱楚者莫如韓非以韓

能彊於楚也其地勢然也今王西面而事秦以攻楚秦

王必喜夫攻楚以利其地轉禍而說秦計無便於此者

韓王聽儀計張儀歸報秦惠王封儀五邑號曰武信君

使張儀東說齊湣王曰天下彊國無過齊者大臣父兄

殷衆富樂然而爲大王計者皆爲一時之說不顧百世
之利從人說大王者必曰齊西有疆趙南有韓與梁齊
負海之國也地廣民衆兵彊士勇雖有百秦將無奈齊
何大王賢其說而不計其實夫從人朋黨比周莫不以
從爲可臣聞之齊與魯三戰而魯三勝國以危亡隨其
後雖有戰勝之名而有亡國之實是何也齊大而魯小
也今秦之與齊也猶齊之與魯也秦趙戰於河漳之上
再戰而趙再勝秦戰於荀吾之下再戰又勝秦索隱曰荀音盤
又音婆趙之邑也四戰之後趙之亡卒數十萬邯鄲僅存雖有
戰勝之名而國已破矣是何也秦彊而趙弱今秦楚嫁

女娶婦為昆弟之國韓獻宜陽梁効河外

索隱曰河外河之南邑若

曲沃平周等也

正義曰謂司華州地也

趙入朝澠

反綿善

池割河間以事秦

索隱曰河漳之間邑割以事秦耳。正義曰河間瀛州縣

大王不事秦秦驅韓梁攻

齊之南地悉趙兵渡清河拍博關

正義曰博關在博州趙兵從貝州度黃河

指博關則深河臨菑即墨洙王之有也國一日見攻雖

欲事秦不可得也是故願大王孰計之也齊王曰齊僻

陋隱居東海之上未嘗聞社稷之長利也乃許張儀張

儀去西說趙王曰敝邑秦王使使臣効愚計於大王大

王收率天下以賓秦秦兵不敢出函谷關十五年大王

之威行於山東敝邑恐懼懾伏繕甲厲兵飾車騎

正義曰飾

勅音勅習馳射力田積粟守四封之內愁居懾處不敢動搖

唯大王有意督過之也

索隱曰督者正其事而責之督過是深責其過也

今以

大王之力舉巴蜀并漢中包两周遷九鼎守白馬之津
秦雖僻遠然而心忿含怒之日久矣今秦有敝甲凋兵
軍於滹池願渡河踰漳據番吾會邯鄲之下願以甲子
合戰以正殷紂之事故使使臣先聞左右凡大王之所
信爲從者恃蘇秦蘇秦然惑諸侯以是爲非以非爲是
欲反齊國而自令車裂於市夫天下之不可一亦明矣
今楚與秦爲昆弟之國而韓梁稱爲東藩之臣齊獻魚
鹽之地此斷趙之右臂也夫斷右臂而與人鬪失其黨

而孤居求欲毋危豈可得乎今秦發三將軍其一軍塞

午道素隱曰此午道當在趙之東齊之西也午道地名也鄭玄云一縱一橫爲午謂交道也告齊

使興師渡清河軍於邯鄲之東一軍軍成臯驅韓梁軍

於河外正義曰河外謂鄭滑州北臨河一軍軍於滏池約四國爲一以

攻趙趙服必四分其地是故不敢匿意隱情先以聞於

左右臣竊爲大王計莫如與秦王遇於滏池面相見而

口相結請案其無攻願大王之定計趙王曰先王之時

奉陽君專權擅勢蔽欺先王獨擅綰事寡人居屬師傅

不與國謀計先王棄羣臣寡人年幼奉祀之日新心固

竊疑焉以爲一從不重秦非國之長利也乃且願變心

易慮割地謝前過以事秦方將約車趨行正義曰適聞

使者之明詔趙王許張儀張儀乃去北之燕說燕昭王

曰大王之所親莫如趙昔趙襄子嘗以其姊為代王妻

欲并代約與代王遇於句注之塞正義曰句注山在乃

令工人作為金斗長其尾索隱曰斗音主凡方者為斗

即斗之柄其形若刀者是也令可以擊人與代王飲陰告厨人曰即

酒酣樂進熱啜索隱曰音昌悅反謂熱而啜之是羹也

下云厨人進斟斟謂羹汁故名汁曰斟反斗以擊之正義曰反斗以擊之於是酒酣

樂進熱啜厨人進斟因反斗以擊代王殺之王腦塗地

其姊聞之因摩笄以自刺故至今有摩笄之山笄婦人

之首飾

斯今象牙摘。正義曰并今簪也。摩代王之亡天下莫

不聞夫趙王之狼戾無親大王之所明見且以趙王為

可親乎趙興兵攻燕再圍燕都而劫大王大王割十城

以謝今趙王已入朝澠池効河閒以事秦今天王不事

秦秦下甲雲中九原驅趙而攻燕則易水長城正義曰

界非大王之有也且今時趙之於秦猶郡縣也不敢妄

舉師以攻伐今天王事秦秦王必喜趙不敢妄動是西有

彊秦之援而南無齊趙之患是故願大王孰計之燕王

曰寡人蠻夷僻處雖大男子裁音如嬰兒言不定以采

正計今上客幸教之請西面而事秦獻恒山之尾五城

索隱曰尾猶末也謂獻燕王聽儀儀歸報未至咸陽而
恒山之東五城以與秦秦惠王卒武王立武王自爲太子時不說張儀及即位
羣臣多讒張儀曰無信左右賣國以取容秦必復用之
恐爲天下笑諸侯聞張儀有卻武王皆畔衛復合從秦
武王元年羣臣日夜惡張儀未已而齊讓又至張儀懼
誅乃因謂秦武王曰儀有愚計願効之王曰奈何對曰
爲秦社稷計者東方有大變然後王可以多割得地也
今聞齊王甚憎儀儀之所在必興師伐之故儀願乞其
不肖之身之梁齊必興師而伐梁梁齊之兵連於城下
而不能相去王以其間伐韓入三川出兵函谷而毋伐

以臨周祭器必出

索隱曰凡王者大祭祀必陳設文挾物軒車鼎器等因謂此為祭器也

天子按圖籍此王業也秦王以為然乃具革車三十乘

入儀之梁齊果與師伐之梁哀王恐張儀曰王勿患也

請令罷齊兵乃使其舍人馮喜之楚

索隱曰此與戰國策同舊本作喜誤

也惜使之齊謂齊王曰王甚憎張儀雖然亦厚矣王之

託儀於秦也齊王曰寡人憎儀儀之所在必與師伐之

何以託儀對曰是乃王之託儀也夫儀之出也固與秦

王約曰為王計者東方有大變然後王可以多割得地

今齊王甚憎儀儀之所在必與師伐之故儀願乞其不

肖之身之梁齊必與師伐之齊梁之兵連於城下而不

能相去王以其間伐韓入三川出兵函谷而無伐以臨

周祭器必出挾天子案圖籍此王業也秦王以為然故

具革車三十乘而入之梁也今儀入梁王果伐之是王

內罷國而外伐與國索隱曰謂齊之伐梁也梁之與齊先相許與約從為鄰故云與國也

廣鄰敵以內自臨而信儀於秦王也此臣之所謂託儀

也齊王曰善乃使解兵張儀相魏一歲卒於魏也索隱曰年

表張儀以安王十年卒紀年云梁哀王九年五月卒

陳軫者游說之士與張儀俱事秦惠王皆貴重爭寵張

儀惡陳軫於秦王曰軫重幣輕使秦楚之間將為國交

也今楚不加善於秦而善軫者軫自為厚而為王薄也

且軫欲去秦而之楚王胡不聽乎王謂陳軫曰吾聞子欲去秦之楚有之乎軫曰然王曰儀之言果信矣軫曰非獨儀知之也行道之士盡知之矣昔子胥忠於其君而天下爭以爲臣曾參孝於其親而天下願以爲子故賣僕妾不出閭巷而售者良僕妾也出婦嫁於鄉曲者良婦也今軫不忠其君楚亦何以軫爲忠乎忠且見棄軫不之楚何歸乎王以其言爲然遂善待之居秦期年秦惠王終相張儀而陳軫奔楚楚未之重也而使陳軫使於秦過梁欲見犀首犀首謝弗見軫曰吾爲事來公不見軫軫將行不得待

索隱曰軫語犀首言我故來異

然有教汝之事何不相見

日犀首見之陳軫曰公何好飲也犀首曰無事也曰吾

請令公慶事可乎

索隱曰慶一飽反厭者飽也謂飲令其多事

曰奈何曰田

需約諸侯從親

索隱曰需時為魏相

楚王疑之未信也公謂於王

曰臣與燕趙之王有故數使人來曰無事何不相見願

謁行於王王雖許公公請毋多車以車三十乘可陳之

於庭明言之燕趙燕趙客聞之馳車告其王使人迎犀

首楚王聞之大怒曰田需與寡人約而犀首之燕趙是

欺我也怒而不聽其事齊聞犀首之北使人以事委焉

犀首遂行三國相事皆斷於犀首軫遂至秦韓魏相攻

齊年不解秦惠王欲救之問於左右左右或曰救之便

或曰勿救便惠王未能爲之決陳軫適至秦惠王曰子
去寡人之楚亦思寡人不陳軫對曰王聞夫越人莊舄
乎王曰不聞曰越人莊舄仕楚執珪有頃而病楚王曰
舄故越之鄙細人也今仕楚執珪貴富矣亦思越不中
謝索隱曰謝請對曰凡人之思故在其病也彼思越則
越聲不思越則楚聲使人往聽之猶尚越聲也今臣雖
棄逐之楚豈能無秦聲哉惠王曰善今韓魏相攻甚年
不解或謂寡人救之便或曰勿救便索隱曰此張儀等計策寡人
不能決願子爲子主計之索隱曰子指陳軫也子主謂楚王也餘爲寡人
計之陳軫對曰亦嘗有以夫辨莊子刺虎聞於王者乎

索隱曰戰國策作館莊子館謂逆莊子欲刺虎館豎子

止之曰兩虎方且食牛食甘必爭爭則必鬪鬪則大者

傷小者死從傷而刺之一舉必有雙虎之名辨莊子以

為然立頃之有頃兩虎果鬪大者傷小者死莊子從傷

者而刺之一舉果有雙虎之功今韓魏相攻甚年不解

是必大國傷小國亡從傷而伐之一舉必有兩實此猶

莊子刺虎之類也臣主與王何異也索隱曰臣主謂軫

惠王以言我主與王俱宜待韓魏之斃而擊之亦無以異也惠王曰善卒弗救大國

果傷小國亡秦興兵而伐大寇之此陳軫之計也

犀首背魏之陰晉人也司馬彪曰犀首魏官名若今虎牙將軍名衍姓公

孫氏與張儀不善張儀為秦之魏魏王相張儀犀首弗

利於今人謂韓公叔曰張儀已合秦魏矣其言曰正義曰此

張儀合秦魏之辭魏攻南陽秦攻三川魏王所以貴張子者欲

得韓地也且韓之南陽已舉矣子何不少委焉以為衍

功則秦魏之交可錯矣索隱曰錯音措錯停止也然則魏必圖秦而

棄儀收韓而相衍公叔以為便因委之犀首以為功果

相魏張儀去徐廣曰義渠君朝於魏犀首聞張儀復相

秦害之犀首乃謂義渠君曰道遠不得復過索隱曰音

道遠今日已後不請謁事情緩急告語之也曰中國

無事義曰中國謂關東六國無事不共攻秦秦得燒掇

史記傳

焚行

徐廣曰一孤切。索隱曰。按音都活反。謂焚燒而

且燒燬其君之國也。

君之國有事

索隱曰。謂山東諸國共伐秦也。秦將輕使

重幣事君之國

索隱曰。謂秦求親義渠君也。正義曰。正義曰。秦若被攻伐則必輕

使重幣事義渠之國。欲令相助。犀首此言者。令義渠君勿援秦也。

其後五國伐秦

索隱曰。按

表秦惠王後元七年楚魏齊韓趙五國共攻秦是其事者也。

會陳軫謂秦王曰義渠

君者蠻夷之賢君也不如賂之以撫其志秦王曰善乃

以文繡千純

索隱曰。凡絲綿布帛等一段為一純。音屯。

婦女子百人遺義渠君

義渠君致羣臣而謀曰此公孫衍所謂邪

索隱曰。謂上

之國有事秦將輕使重幣事君之國故云。

乃起兵襲秦

公孫衍之所謂因起兵襲秦

索隱曰。謂義渠破秦軍也。

大敗秦人李伯之下

索隱曰。謂李伯人名或邑。一曰戰區策。

張儀已卒之後犀首入相秦嘗佩五國之相印為長索隱曰犀首後相五國

太史公曰三晉多權變之士夫言從衡彊秦者大抵皆

三晉之人也夫張儀之行事甚於蘇秦然世惡蘇秦者

以其先死而儀振暴其短以扶其說索隱曰暴音步

露其短扶謂說彼之非成索隱曰張儀說六

我之是扶會已之說辭也索隱曰張儀說六

故云成其衡道然山東地形從長蘇秦相六國今從親

索隱述贊曰

儀未遭時

頻被困辱

及相秦惠

先韓後蜀

連衡齊魏

傾危誑惑

陳軫挾權

犀首騁欲

如何三晉

繼有斯德

張儀列傳第十

史記七十

樗里子甘茂列傳第十一

史記七十一

樗里子者名疾秦惠王之弟也

索隱曰樗木名也音樗高誘曰其里有樗樹故

曰樗里然疾居渭南陰鄉之樗里故號曰樗里子又紀年謂之樗里疾

與惠王異母母韓

女也樗里子滑稽多智

索隱曰滑稽音骨稽音雞鄒說解云滑稽也稽同也謂辯捷之人

言非若此言是若非謂能亂人出異也一云滑稽猶酒器可轉注吐酒不已以言俳優之人出口成章詞不窮竭如

滑稽之吐酒不已也。正義曰滑稽為濕水流自出稽計也言其智計宜吐如泉流出無盡故揚雄酒賦云鴆

夷滑稽腹大如甕是也顏師古云滑稽轉用之稱也滑稽也稽礙也其變無留也一說稽考也言其滑稽不可

考秦人號曰智囊秦惠王八年爵樗里子右更
索隱曰

第十四使將而伐曲沃

正義曰故城在隰州

盡出其人

爵名
索隱曰年表云十一年伐魏曲沃歸其人秦本紀惠文

王後元八年五國共圍秦使庶長疾與戰勝魚斬首八

萬十一年年擄里疾攻魏焦降之則焦與曲沃同在十一
年按明矣而傳云八年拔之不同王邵按本紀年表又
此傳三處記秦伐國並不同又取其城地入秦秦惠王
與紀年不合今殆不可參考也

二十五年使擄里子為將伐趙虜趙將軍莊豹拔蘭

曰蘭縣在石州明年助魏章攻楚敗楚將屈丐取漢中地秦封

擄里子號為嚴君之號當是封之嚴道也秦惠王卒太

子武王立逐張儀魏章而以擄里子甘茂為左右丞相

秦使甘茂攻韓拔宜陽使擄里子以車百乘入周周以

卒迎之意甚敬楚王怒讓周以其重秦客游騰為周說

楚王曰索隱曰游騰名智伯之伐仇猶許慎曰仇猶夷狄之

戰國策以仇猶為夾山韓子作仇山地理志臨淮有仇
猶縣也。正義曰括地志云并州孟縣外城俗名原仇

山亦名仇猶夷狄之國也韓子云智伯欲伐虢國道險
難不通乃鑄大鍾遺之載以廣車仇猶大脫陰塗內之
赤草曼支諫曰不可此小所以事大而今大以遇小
必隨不可不聽遂內之曼支因斷轂而馳至十九日五
仇猶遺之廣車戰國策曰智伯欲伐仇猶遺之人鍾
亡也橫陳之車因隨之兵仇猶遂亡何則無備故也齊桓公伐蔡
號曰誅楚其實襲蔡今秦虎狼之國使擣里子以車百
乘入周周以仇猶蔡觀焉故使長戟居前彊弩在後名
曰衛疾正義曰防而實囚之且夫周豈能無憂其社稷
哉恐一旦亡國以憂大王楚王乃悅秦武王卒昭王立
擣里子又益尊重昭王元年擣里子將伐蒲索隱曰紀
疾圍蒲不克而秦惠王薨事與此合。正義曰蒲守
故城在滑州匡城縣北十五里即子洛作宰也蒲守

恐請胡衍

索隱曰人姓名也

胡衍為蒲謂樗里子曰公之攻蒲

為秦乎為魏乎為魏則善矣為秦則不為賴矣

也賴利

夫

衛之所以為衛者以蒲也

正義曰蒲是衛國之郭衛

今伐蒲入於魏

衛必折而從之

索隱曰戰國策云今蒲入於秦衛必折而入於魏與此文相反也

魏云

西河之外

正義曰謂同華等州

而無以取者兵弱也今并衛於魏

魏必彊魏彊之日西河之外必危矣且秦王將觀公之

事害秦而利魏王必罪公樗里子曰奈何胡衍曰公釋

蒲勿攻臣試為公入言之以德衛君樗里子曰善胡衍

入蒲謂其守曰樗里子知蒲之病矣其言曰必拔蒲衍

能令釋蒲勿攻蒲守恐因再拜曰願以請因効金三百

片曰秦兵苟退請必言子於衛君使子為南面故胡衍

受金於蒲以自貴於衛於是遂解蒲而去還擊皮氏正義

曰故城在絳州龍門縣西百四十步魏邑皮氏未降又去昭王七年樛里子

卒葬于渭南章臺之東索隱曰按黃圖在漢長安故城西曰後百歲是

當有天子之宮夾我墓樛里子疾室在於昭王廟西渭

南陰鄉樛里故俗謂之樛里子至漢興長樂宮在其東

未央宮在其西正義曰漢長樂宮在長安縣西北十五里未央在縣西北十四里皆在長安故

城中武庫正直其墓索隱曰直如字秦人諺曰力則任

也也鄰智則樛里

封茂者下蔡人也索隱曰地理志下蔡縣屬汝南也事

正義曰今潁州縣即州萊國

下蔡史舉先生

索隱曰戰國策及韓子皆云史舉上蔡監門者學百家之說因

張儀樗里子而求見秦惠王王見而說之使將而佐魏

章略定漢中地惠王卒武王立張儀魏章去東之魏蜀

侯輝相壯友

索隱曰輝音輝又音胡昆反秦之公子封蜀也華陽國志作輝壯音側狀反姓陳也

秦使甘茂定蜀還而以甘茂為左丞相以樗里子為右

丞相秦武王三年謂甘茂曰寡人欲容車通三川以窺

周室而寡人死不朽矣甘茂曰請之魏約以伐韓而令

向壽輔行

正義曰餉受二音人姓名

甘茂至謂向壽曰子歸言之於

王曰魏聽臣矣然願王勿伐事成盡以為子功向壽歸

以告王王迎甘茂於息壤

索隱曰山海經

息壤云昔伯以堙洪水或

丹此也○正義曰素邑

甘茂至王問其故對曰宜陽大縣也上黨

南陽積之久矣

索隱曰上黨南陽並積貯日久○正義曰韓之北三郡積貯在河南宜陽縣之

日久矣

名曰縣其實郡也今王倍數險行

正義曰謂函谷及三峯五谷

千里攻之難

索隱曰數音率吏反

昔曾參之處費

音魯人有與曾

參同姓名者殺人人告其母曰曾參殺人其母織自若

也頃之一人又告之曰曾參殺人其母尚織自若也頃

又一人告之曰曾參殺人其母投杼下機踰牆而走夫

以曾參之賢與其母信之也三人疑之其母懼焉今臣

之賢不若曾參王之信臣又不如曾參之母信曾參也

疑臣者非特三人臣恐大王之投杼也始張儀西奔巴

蜀之地北開西河之外南取上庸天下不以多張子而

以賢先王魏文侯令樂羊將而攻中山三年而拔之樂

羊返而論功文侯示之謗書一篋樂羊再拜稽首曰此

非臣之功也主君之力也今臣竊旅之臣也樛里子公

孫奭索隱曰戰國策作公孫奭二人者挾韓而議之王必聽

之是王欺魏王而臣受公仲侈徐廣曰一作馮之怨也王曰寡

人不聽也請與子盟卒使丞相甘茂將兵伐宜陽五月

而不拔樛里子公孫奭果爭之武王召甘茂欲罷兵甘

茂曰息壤在彼正義曰甘茂歸至息壤與秦王盟恐後

王召茂欲罷兵故甘茂云息壤在彼也王曰有之因大悉起兵使甘茂擊

之斬首六萬遂拔宜陽韓襄王使公仲侈入謝與秦平

武王竟至周而卒於周其弟立為昭王

索隱曰趙系本昭王名微系本

云名

王母宣太后楚女也楚懷王怨前秦敗楚於丹陽

韓不救乃以兵圍韓雍氏

索隱曰秦惠王二十六年北圍雍氏至昭王七年又圍雍

氏韓求救於秦秦是行圍也劉氏云此是前國雍氏當報王之七年戰國策及紀年與此並不同。正義曰故城

在洛陽縣東北二十里

韓使公仲侈告急於秦秦昭王新立太后

楚人不肯救公仲因甘茂茂為韓言於秦昭王曰公仲

方有得秦救故敢扞楚也今雍氏圍秦師不下殺公仲

且仰首而不朝公叔且以國南合於楚楚韓為一魏氏

不敢不聽然則伐秦之形成矣不識坐而待伐孰與伐

人之利秦王曰善乃下師於穀以救韓楚兵去秦使向

壽平宜陽而使樗里子甘茂伐魏皮氏向壽者宣太后

外族也而與昭王少相長故任用向壽如楚徐廣曰如一作和

楚聞秦之貴向壽而厚事向壽向壽為秦守宜陽將以

伐韓韓公仲使蘇代謂向壽曰禽困覆車譬禽獸得困急猶能抵觸

傾覆公破韓奪公仲公仲收國復事秦自以為必可以

封正義曰公仲自以正義曰公仲自以今公與楚解口地索隱曰解口秦地名近韓今將

與楚也正義曰上經買反公向壽也解口猶封小令

尹以杜陽索隱曰又封楚之小令尹以杜陽杜陽秦楚

合復攻韓韓必亡韓亡公仲且昭率其私徒以關馬局

合復攻韓韓必亡韓亡公仲且昭率其私徒以關馬局

於秦

正義曰公仲恐韓亡欲將私徒往宜陽關向壽也

願公孰慮之也向壽曰

吾合秦楚非以當韓也子為壽謁之公仲

正義曰公仲

蘇代謂報公仲云秦韓交可合

曰秦韓之交可合也蘇代對曰願有

謁於公

正義曰公向壽也言向壽亦黨於秦與公孫奭同也

人曰貴其所

以貴者貴王之愛習公也不如公孫奭其智能公也不

如甘茂今二人者皆不得親於秦事而公獨與王主斷

於國者何彼有以失之也

索隱曰彼言公孫奭及甘茂也

有所失。正義曰言秦王雖愛甘茂之謂下見妄在情

親要者為黨韓魏也今國出獨與向壽主斷者不知出

黨於楚以事秦王者以失之也公孫奭黨於韓而甘茂黨於魏故王不

信也今秦楚爭彊而公黨於楚是與公孫奭甘茂同道

也公何以異之

正義曰蘇氏云向壽與公孫奭甘茂皆

人皆言楚之善變也而公必亡之是自為責也

正義曰

政不可信若變改向壽必亡敗是自為責

公不如與王謀其變也善韓以備

楚正義曰今秦親韓而備楚之變改則向壽無患矣

如此則無患矣韓氏必先

以國從公孫奭而後委國於甘茂韓公之難也

正義曰

先秀二人故韓向壽之難也

今公言善韓以備楚是外舉不辟難也

向壽曰然吾甚欲韓

合對曰甘茂許公仲以武遂

徐廣

昭王元年

反宜陽之民

正義曰武遂宜陽本韓邑也秦伐取之分欲還韓令其民得反

歸居

今公徒收之其難

正義曰蘇代言甘茂許公仲以武遂又歸宜陽之民今向壽徒

擬收之甚難事也

向壽曰然則奈何武遂終不可得也對曰公

奚不以秦為韓求潁川於楚

正義曰潁川許州也楚侵韓潁川是親向壽此韓之寄地也公求而得之是令行

威重為韓就楚求索潁川是親向壽

於楚而以其地德韓也公求而不得是韓楚之怨不解

已買而交走秦也

索隱曰韓楚怨不解二國交走向秦也

秦楚爭疆而公

徐過楚

徐廣曰過一作適○正義曰若二國皆事秦以公則漸說楚之過失以收韓此利於秦也

以

收韓此利於秦

向壽曰奈何對曰此善事也甘茂欲以

魏取齊公孫奭欲以韓取齊今公取宜陽以為功收楚

韓以安之而誅齊魏之罪

正義曰言公孫奭甘茂皆欲以秦挾韓魏而取齊今向壽

取宜陽為功收楚韓安以事秦而責齊魏之罪是以公

是公孫奭甘茂不得同合韓魏於秦以伐齊也是以公

孫奭甘茂無事也甘茂竟言秦昭王以武遂復歸之韓

正義曰年表云秦昭王元年子韓武遂也向壽公孫奭爭之不能得向壽公

孫奭由此怨讒甘茂茂懼輟伐魏蒲阪云去

徐廣曰昭王元年韓

魏皮氏未枝去也擄里子與魏講罷兵

索隱曰那氏云講讀曰媾媾猶和

甘茂

之亡秦奔齊逢蘇代代為齊使於秦甘茂曰臣得罪於

秦懼而遯逃無所容跡臣聞貧人女與富人女會績貧

人女曰我無以買燭而子之燭光幸有餘子可分我餘

光無損子明而得一斯便焉今臣國而君方便秦而當

路矣茂之妻子在焉願君以餘光振之蘇代許諾遂致

使於秦已因說秦王曰甘茂非常士也其居於秦累世

重矣自穀塞及至鬼谷

徐廣曰在陽城○正義曰其地三穀在洛州永寧縣西北

形險易皆明知之彼以齊約韓魏反以圖秦非秦之利

也秦王曰然則奈何蘇代曰王不若重其贄厚其祿以

迎之使彼來則置之鬼谷

正義曰劉伯莊云此鬼谷閭內雲陽非陽城者也按陽城

谷時屬韓秦不得言置之終身勿出秦王曰善即賜之上卿以相印

迎之於齊甘茂不往蘇代謂齊湣王曰夫甘茂賢人也

今秦賜之上卿以相印迎之甘茂德王之賜好爲王臣

故辭而不往今王何以禮之齊王曰善即位之上卿而

處之

索隱曰如猶留也

秦因復甘茂之家

正義曰復音福

以市於齊齊

使甘茂於楚楚懷王新與秦合婚而驩

徐廣曰昭王二年時迎婦於楚

而秦聞甘茂在楚使人謂楚王曰願送甘茂於秦楚王

問於范雎

徐廣曰一作環。索隱曰休錄反。音休軟。反戰國策一作環字。正義曰許錄反也。

曰寡人欲置相於秦孰可對曰臣不足以識之楚王曰

寡人欲相甘茂可乎對曰不可夫史舉下蔡之監門也

大不為事君小不為家室以苟賤不廉聞於世甘茂事之

之順焉故惠王之明武王之察張儀之辯而甘茂事之

取十官而無罪茂誠賢者也然不可相於秦夫秦之有

賢相非楚國之利也且王前嘗用召滑於越徐廣曰滑一作滑

而內行章義之難徐廣曰一云內句章昧之難。索隱曰召滑內心猜詐外則佯章恩義而

卒包藏禍心構難於楚戰國策云內句章昧之難也越國亂故楚南塞厲門徐廣曰

依顧胡曰正義曰劉伯莊云房門度嶺南之要路而郡江東正義曰吳越之城皆為楚之都邑

計王之功所以能如此者越國亂而楚治也今王知用
諸越而忘用諸秦臣以王為鉅過矣然則王若欲置相
於秦則莫若向壽者可夫向壽之於秦王親也少與之
同衣長與之同車以聽事王必相向壽於秦則楚國之
利也於是使使請秦相向壽於秦秦丞相向壽而甘茂
竟不得獲入秦卒於魏甘茂有孫曰甘羅

甘羅者甘茂孫也

茂既死後甘羅年十二事秦相文信

侯呂不韋

索隱曰戰國策甘羅事呂不韋為庶子

秦始皇帝使剛成君蒙恬攻燕

三年而燕王喜使太子丹入質於秦秦使張唐往相燕欲

與燕共伐趙以廣河間之地張唐曰臣嘗為

秦昭王伐趙趙怨臣曰得唐者得百里之地多之燕

經趙臣不可以行文信侯不快未有以彊也甘羅曰君

侯何不快之甚也文信侯曰吾令剛成君蔡澤事燕三

年燕太子丹已入質矣吾自請張卿相燕而不肯行索隱曰即張唐也

甘羅曰臣請行之文信侯叱曰去我身自請

之而不肯必焉能行之正義曰女音汝焉乙連反甘羅曰夫項橐生

七歲為孔子師索隱曰橐音託橐其道德故云頃橐今臣生十二歲於茲

矣君其試臣何遽叱乎於是甘羅見張卿曰卿之功孰

與武安君卿曰武安君南挫彊燕北威燕趙戰勝攻取

破城墮邑不知其數臣之功不如也甘羅曰應侯之用

於秦也孰與文信侯專

案隱曰應侯

張卿曰應侯不如文

信侯專甘羅曰卿明知其不如文信侯專與曰知之甘

羅曰應侯欲攻趙武安君難之去咸陽七里而立死於

杜郵今文信侯自請卿拒燕而不肯行臣不知卿所

處矣張唐曰請因孺子行今裝治行行有日甘羅謂文

信侯曰借臣車五乘請為張唐先報趙文信侯乃入言

之於始皇曰昔甘茂之孫甘羅年少耳然名家之子孫

諸侯皆聞之今若張唐欲稱疾不肯行甘羅說而行之

今願先報趙請許之始皇召見使甘羅於趙趙王

郊迎甘羅甘羅說趙王曰王聞燕太子丹入秦與曰

聞之曰聞張唐相燕歟曰聞之燕方入秦者燕不

欺秦也張唐相燕者秦不欺燕也燕秦不相欺者伐趙

危矣燕秦不相欺無異故欲攻趙而廣河間王不如齊

臣五城以廣河間齊謂則奚反一音請歸燕大

子與彊趙攻弱燕趙王立自割五城以廣河間秦歸燕

太子趙攻燕待上谷三十城索隱曰戰國策云得三十

州也在幽令秦有十一索隱曰謂以十甘羅還報秦乃

封甘羅以為上卿後以始甘茂田宅賜之

太史公曰樗里子以骨肉重固其理而秦人稱其智故

頗采焉甘茂起下蔡閭閻顯名諸侯重彊齊楚徐廣曰

此當云見重強齊誤脫一字。甘羅年必然此一奇計
正義曰甘茂為強齊楚所重。聲稱後世雖非篤行之君子然亦戰國之策士也方秦
之彊時天下尤趨謀詐哉

索隱述贊曰

嚴君名疾

厥號智囊

既親且重

稱兵外攘

甘茂並相

初佐魏章

始推向壽

乃攻宜陽

甘羅妙歲

卒起張唐